

## **MINORITY SHAREHOLDER WATCHDOG GROUP**

BADAN PENGAWAS PEMEGANG SAHAM MINORITI BERHAD  
(Incorporated in Malaysia – Company No. 524989-M)

Berita Harian – 25 August 2014 (A)

# **Fobia sertai pasaran ekuiti perlu diatasi**

» *Orang ramai patut dididik tingkat celik pelaburan*

**C**adangan Bursa Malaysia untuk memudahkan pelabur membuka akaun dagangan saham yang mana sebelum ini pelabur perlu hadir sendiri untuk membuka akaun, dijangka boleh menarik minat pelabur di dalam pasaran saham, terutama golongan muda.

Inisiatif itu sudah dilaksanakan di Hong Kong, Australia dan Singapura.

Pelaksanaan inisiatif itu mungkin satu cara untuk menangani penyertaan pelabur runcit yang kini amat rendah di dalam pasaran saham.

Namun, apakah sebab ‘makro’ sebenar yang menjadikan tahap penyertaan pelabur runcit sema-

sa rendah dan perlu diatasi secara kritikal?

Kami berpandangan bahawa antara sebab keadaan itu berlaku ialah tahap celik pelaburan yang masih rendah dan perlu dipertingkatkan untuk menangani fobia memasuki pasaran ekuiti dan memahami risiko serta pulangan instrumen itu.

Dalam hal ini, Badan Pengawas Pemegang Saham Minoriti Bhd (MSWG) bagaimanapun mahu melihat pelabur runcit yang lebih berkualiti.

Kami di MSWG juga akan memainkan peranan untuk memberi pendidikan selaras dengan tujuan itu.

Saya juga ingin menggesa pihak kawal selia untuk menyedari potensi penyalahgunaan yang mungkin timbul daripada cadangan baharu ini.

Dengan melenyapkan keperluan proses bermula (yang buat masa ini adalah satu keperluan da-

lam proses pembukaan akaun), langkah untuk mengurangkan risiko bagi menangani sebarang kemungkinan penyalahgunaan diperlukan.

Menyentuh insiden MRT baru-baru ini, peletakan jawatan Datuk Azhar Abdul Hamid daripada MRT Corp berikutan kematian tiga pekerja Bangladesh akibat kemalangan di tapak pembinaan MRT di lihat sebagai mengambil akauntabiliti pada tahap tertinggi.

Lembaga Pengarah MRT perlu memastikan penyiasatan dilakukan dengan segera untuk merungkai punca kejadian dan pihak yang bertanggungjawab.

Lembaga Pengarah juga perlu memastikan bahawa syarikat mempunyai piawaian langkah prosedur operasi yang dikuatkuasaan secara tegas untuk mengurangkan kejadian kemalangan sebegini.



**Penulis**

ialah Ketua Eksekutif Badan Pengawas Pemegang Saham Minoriti Bhd (MSWG)